

海門縣志卷之二



邑人

李兆星左

丁鹿壽莘野重

選舉志第六

薦辟

元

泰定

潘仲仁 揚州府學教授

潘文質 本縣學教諭

尹平 本縣訓導俱以經明行修

明

洪武

潘文彬 重慶府知府

馮仲彰 鎮遠縣丞

潘庸 給事中俱以人材

海門縣志

卷之二

一

永樂

張諒 中書舍人 王文義 渾源州判 以楷書

崇禎

崔養勳 永康訓導 王燭 南城教諭 俱以人材

進士

宋

紹興

陸思古 王伍

寶祐

陳士邁 文天祥 楊葉應之 高郵州學錄

胡英 淮東制置司簽判

咸淳

沈邁 陳文 龍榜

元無考

明

海門縣志

卷之二

建文 庚辰

尹惟忠

安府同知

永樂 乙未

陳孚

陳循 榜戶部員外郎

天順 庚辰

陳奎

王一夔 榜戶部員外郎

正德 丁丑

崔桐

舒茶 榜探花 禮部侍郎 有傳

嘉靖 辛巳

錢鐸

楊惟聰 榜廣西按察副使 有傳

嘉靖 癸未

李夢周

姚休 榜寧都縣知縣 有傳

乙丑

成憲

范應期 榜南京國子監祭酒 有傳

萬曆 甲戌

王三宅

孫繼皋 榜

庚辰

高薦

張懋修 榜

丙戌

費必興

唐文獻 榜

丙辰

張伯鯨

錢士升 榜督餉侍郎 有傳

崇禎 甲戌

成反謙

劉理順 榜山西道御史 有傳

舉人

明

建文 巳卯

尹惟忠

庚辰進士

永樂 癸未

袁懋宗

阜城教諭

乙酉

陳孚

乙未進士

辛卯

葉思智

昌黎教諭

丁酉 李永常 解州學正有傳

正統 辛酉 李周 監察御史 按四川有傳

丁卯 李開 監察御史 玉山知縣

景泰 癸酉 潘攷 訓導

丙子 李紀 陽穀知縣

天順 己卯 陳奎 庚辰進士

成化 丁酉 張景 永寧教諭

弘治 乙酉 李梁

甲子 姜輅 彬州知州 江府同知 九

海門縣志 卷之二

正德 丙子 崔桐 解元 丁丑探花

己卯 錢鐸 辛巳進士 李夢周 嘉靖癸未進士

嘉靖 庚子 張鳴鶴 順天中式 容城知縣 有傳

癸卯 李邦憲 大空知縣 成 相連州知州 有傳

丙午 李廷柱

壬子 姚尚賓 壽張長陽知縣 有傳

隆慶 丁卯 崔允升 會昌知縣

庚午 彭大翔 武康知縣 有傳

萬曆 戊子 李奇逢 武陵知縣 有傳

張世維 汝州知州 有傳

姚惟一

戊午 成憲 乙丑進士

辛卯

盛以進
縣延安知

癸卯

李之達
興化府同

壬子

張伯鯨
江都籍丙

戊午

朱名世
永康知

天啟
辛酉

蔡廷諫

丁卯

成反謙
崇禎甲

貢生

明

洪武

秦

演
濟南府

陳良祐
廣西

茅原英
大理寺

海門縣志

卷之二

四

董

純
晉江知縣

蔡

新
即墨縣丞

郁

守
鴻臚寺序班

盛

文
汶水典史

李

壽
處州知事

潘

廉
掖縣丞

尹惟忠

辰進士
文庚

林

華
蒲沂縣典史

王

敬

王

翔
雲南布政司理問

王

義
永平府照磨

崔永義

雲南府通判

徐

澤
岐山典史

張得義

嘉興教諭

李

儀

周

鑑
安福主簿

馮

衡
山西布政司理問

張

益
鎮遠通判

趙

肅
新城縣丞

張士儉

金

用

王

文政
荆門州判

楊

森
嘉興知縣

陳

文
興化府照磨

奚

文廣

楊紳

宣德 崔志道 封邱主簿

徐璘

崔景能

李尚質 泌縣丞

袁尚忠

夏永寧 靈寶縣丞

正統 宋真 安邱訓導

潘英 刑部照磨

王惟信 英德縣知縣

孫政

姚琛

潘俊 汝寧府經歷

景泰 杜宗 考府志 增入

孟宗甫

崔吉

邱璽 瞿塘衛吏目

江鵬 祥符訓導

江昺 隆慶吏目

天順 崔潤 彬州同知 有傳

葉森

盛英 有傳

楊林 永州府檢校

姜源

江河 陽信縣丞

海門縣志 卷之二

五

姜宗本 考府志 增入

宋奎 寧晉訓導

成化 陸英 廣東提舉

張華

李諤

蔡昂 建昌府檢校

李度

宋燧 引禮舍人

許盈 仙居縣丞 有傳

謝盛 嘉興縣丞

尹璽 壽昌縣知縣 有傳

孫博 寧鄉縣丞 考府志 增入

李軾 雷州府通判

弘治 王瑛 府經歷 有傳

崔嶽 建德主簿

盛蘭 建昌縣丞

王鈺 慶雲府知事

江用

陸轍

宋廷傑 魚臺縣知縣

盛儀 密縣主簿

周完 福山縣知縣

葉賓

吳滔

正德
間貢

盛儼

南安府
照磨

王輅

雲和
訓導

張成

有傳

嘉靖
間貢

崔軾

南安府
照磨

崔見賢

羅田
教諭

崔桐

丁丑
探花

李心松

沅江
教諭

崔見道

寧遠
縣丞

王錦

盧氏
知縣

李恕

有傳

張繡

有傳

王相

有傳

盛鼎

唐山
知縣

姜勳

有傳

周鵬

漢州
判

張材

瑞安
教諭

張表

有傳

李璋

冠縣
教諭

張倬

遂平
知縣

張鳴鶴

庚子
舉人

張附龍

沔陽
教諭

徐公蕃

武昌
訓導

盛葉

龍平
訓導

王韶

松陽
訓導

張綱

武康
縣丞

崔岷

泌陽
訓導

王寅

平陽府
訓導

海門縣志

卷之二

六

姚舜民

泰安
州判

崔光輔

沙河
訓導

許尚仁

李什

長清
知縣

崔與

汝寧
訓導

崔槐

通判

許必進

錢塘
主簿

張臨

寧波
府

彭大翼

雷益
州知

李嘉秀

恩貢

李嘉種

潛江
訓導

張光登

龍南
知

姚士聰

恩貢

李嘉木

廣德
訓導

崔唯曾

成性

恩貢

袁性

有傳

李嘉泰

景州
學正

李廷槐

交河
知縣

彭大同

敘州
府推

李世祿

長洲
訓導

史鈞

新鄉
教諭

袁守恆

有傳

姜應元

蘇州
府訓

張世鑑

有傳

姜承德

夏縣
知

姜應元

高安
知縣

李之達 癸卯舉人

王汝夔 真陽訓導

史鑾 建昌訓導

李之喬 衢州府教授 襄王府紀善

江師尹 信州同知

吳可召 思貢太湖訓導 暉寧教諭 周王府教授

成友文 袁州府訓導 有傳

彭大化 睢寧訓導

李之盛 盱眙訓導

崔允復

盛允傳 巢縣教諭 有傳

成自然 順寧府教授 有傳

李傳春 靈壽知縣 有傳

周繼曾

張志孝

天啟 間貢

張洪先 恩貢 河陰知縣

崔養珍 選貢 光化知縣

崔振先 穎上訓導

崔養浩 泉州照磨 有傳

潘洪度 南漳知縣 崇祀 建德名宦 有孝行

崇禎 間貢

李存性 選貢 通江知縣 有傳

李之郁

成至中 河陰知縣

彭取象 撫州府教授

李奇逢 有傳

易象晉 績溪教諭 寧鄉知縣

海門縣志 卷之二

成宏志 建平訓導

吳宸誥 選貢 開封知府 有傳

李德瑜 杭州府教授

吳鼎初 宸誥父 天長訓導

成一躍 長洲訓導

李北星 選貢 溫州府通判

成一璣

武進士

明

天啟 乙丑

王三重

武舉

明

嘉靖 甲子

彭棟

隆慶 丁卯 袁守豫

萬曆 癸酉 彭取志

成化 戊辰 周龍光

天啟 辛酉 王三重 乙丑進士

崔傳先

甲子 周龍躍

壬午 成悟中 辰州衛守備

封贈

明

海門縣志 卷之二

永樂 間 陳策 以子孚贈 戶部員外 王旺 以子文故贈 神武衛經歷

正統 間 李永常 以子周封 西道御史

成化 間 崔鑽 以子潤贈 東都事有傳

嘉靖 間 崔潤 以孫桐贈 禮部侍郎有傳 崔崑 以子桐贈 禮部侍郎有傳 錢盛 以子鐸贈 陽知府有傳

萬曆 間 崔格 以子有祿贈 南京衛經歷 張自新 以子先登贈 龍南知縣 彭桓 以子大翼贈 梧州通判

張隨 以子世維贈 思南府推官 盛舉 以子以進贈 臨清知州

天啟 間 張世南 以子洪先贈 河陰知縣

崇禎 間 張達 以孫伯鯨贈 戶部侍郎 張汝德 以子伯鯨贈 戶部侍郎 王松齡 以子倣通贈 刑部郎中有傳

成斐然 以子反謙贈 閩中知縣有傳 李思爵 以子兆星贈 温州府通判

任子

明

嘉靖

崔有繼以父祠禮部侍郎

崇禎

張雅度以父伯鯨巡撫陝西都御

人物志第七

名賢

宋

李度芝字祥角其先汴人嘉熙鄉舉淳祐初登進士賈似道鎮京

湖起為參軍移鎮兩淮開慶元年留權揚州尋以大兵在蜀奏

海門縣志

卷之二

九

除寶謨閣湖北安撫副使兼知峽州以防蜀江會以母憂去李

壇窺淮南由漣水渡淮朝議擇守揚者無如庭芝乃奪情起授

秘閣修撰主管兩淮安撫制置使公事遂破壇兵殺其將平南

城而還景定二年除樞密都承旨兩淮安撫制置副使知揚州

復敗壇於喬村破東海石圃等城明年壇降徙漣水城民於通

泰之間五年就加寶章閣直學士揚新遭兵火廬舍盡燬賴益

為利而亭戶多亡公私蕭然庭芝至則悉貸民逋假錢營屋踰

歲官民居皆具鑿通州河四十里以省車運之勞免亭戶宿負

二百餘萬立武銳軍以實之敵至不敢窺城有水旱廩不足賑

以私財民德之如父母咸淳三年就加兵部尚書五年轉兩淮
安撫制置大使兼知揚州元兵圍襄陽復改京湖得貶歸九年
元復圍揚州起庭芝兩淮安撫制置使十二月元兵破鄂蕪湖
兵潰沿江諸郡無一人能守者庭芝首遣兵入衛為諸道勤王
倡檄所部郡縣各嚴城守日調許文苗再成等南北禦戰事聞
加參知政事城中食盡有烹子而食不忍叛者元人持謝太后
詔諭降發弩射殺使者阿朮驅夏貴降兵至城下詔諭開壁納
使斬之頃之益王立召為左丞相加少保乃以朱煥守揚而已
與姜才將兵七千人入海至泰州阿朮兵迫執之朱煥以城降

海門縣志

卷之二

十

且勸殺庭芝遂遇害死之日民皆泣下勅建雙忠忠節大忠諸
祠名宦鄉賢崇祀郡縣子孫分隸江都海門

明

崔潤字澤民號樸菴制行端敲口無擇言父鑽家法嚴飭潤以孝
稱成化中由明經授山東布政司都事歷任湖廣郴州同知在
楚九載清介勤慎深入民隱年六十乞休歸民拜送者塞道林
居三十四載養高守義無所攸求雖鄉里童子亦以禮遇聽其
言論抑其威儀凜乎莫敢犯也卒祀邑之鄉賢祠

崔桐字來鳳號東洲潤之孫也正德丙子以貢冠南畿鄉榜丁丑

進士第三人及第授翰林院編修諫武宗南巡詔跪午門外廷杖奪半年俸世宗即位以直諫增級三年諫議禮詔獄復廷杖四年武宗實錄成進侍讀六年外參楚藩八年遷副使督學楚中風采奕奕與張文定邦奇齊名尋轉閩藩左參以督學時者貢與新定例不合左遷浙臬副使考成王一貫獄有誘以數十金不為動脅以首相勢亦不為奪己而調辰沅兵備定永順保靜爭地平長沙安化山寇賜金幣遷南太僕少卿又補太常少卿提督會同館建議以薛文清從事孔廟不報進正卿掌國子監祭酒事詔議太子監國抗疏不報是歲以災異自陳明年又

以太廟災自陳俱不許辭職遷南禮部右侍郎改北左侍郎又推吏部侍郎不果會有以蜚語中者得遂所請歸九年年七十八卒祀邑之鄉賢祠

張伯鯨號繩海祖籍海門隨父遷居郡城寄籍江都萬曆丙辰進士歷會稽鄞縣調盧氏西安陞民部主政出副陝臬崇禎六年加右叅政以撫鎮軍民有能聲進本省延安等處巡撫都御史十三年命總督漕餉戶部右侍郎轉督理錢法左侍郎十六年轉兵部署尚書事兼攝都察院左都御史以疾予告回籍越歲鼎革官兵至具衣冠南向泣拜不屈死論者謂功在社稷氣寒

兩間有古大臣風烈云

李存性字伯真崇禎元年選貢授四川通江令著有政聲張獻忠亂蜀邑城被圍存性慨然曰吾奉職守城當與為存亡堅志不屈城破同妻吳氏子呈璠呈琬呈璿妻江氏上下僕從四十九人同遇害祀忠孝祠

宦蹟

明

李承常宋忠臣庭芝後也永樂丁酉舉人任浙江平湖教諭晉山西解州學正卓有賢聲嘉魚李承勳贊云解沛師聲湖流宦紀

海門縣志

卷之二

十二

名德長年懋昭罔已正統間祀解州名宦祠

李周字公溥永常子正統辛酉舉人官順天府教授擢山西道御史剛介不羣有埋輪驄馬之風巡按江西四川剔奸釐弊幡然一新抑豪右除墨吏審錄重辟雪沉獄什之二三一時稱為名御史後邑人議舉鄉賢未果行

許盈成化戊戌貢生選授仙居縣丞勤政厚民不營私植即俸入亦以分給貧族考最陞玉山尹抵任月餘卒

盛鼎號東涯以貢生任昌平州判世宗嘉其董治陵寢擢唐山令除苛政育人材調始興政成俗美以年老致仕其清介膾炙人

口

錢鐸字振之正德辛巳進士纂修毅皇帝實錄分輯廬州安慶諸
郡事蹟見稱史館嘉靖癸未授刑部主事甲申諫大禮杖於闕
丙戌審決江南重囚各當其罪丁亥晉員外勲戚有擅役黑窯
廠官車者使鐸鞫問諸貴人多為關說鐸弗聽竟罪家人營管勾
數十輩皆發編位勲戚為之斂迹戊子晉郎中出守肇慶賑困
窮汰冗費嚴法令杜請託立保伍建公署凡百興革無不洽合
人情再知鄖陽治如肇慶擢廣西副使飭兵府江乃設護兵造
哨船建營房數百以居狼兵生縛賊首梁明鏡輩於時往來者

海門縣志

卷之二

十三

稱坦途焉仍以至誠開示禍福降荔浦朦朧三洞諸蠻功最多
以性剛直見忌罷歸謝絕外事與親故敦舊好焉

李夢周字希道嘉靖癸未進士授寧都令民囂風擴素號難治周
至利弊當興革者斷然行之首快疑獄數事神明之稱徹於鄰
封苗寇弗靖巡撫檄令禦之不旬月而平豪戶隱匿丁稅貧弱
者不堪償逋為剗剔宿弊委輸以均民俗好鬼常市子女代牲
立王廟尤甚乃火其廟並毀諸淫祠以其材構書院集諸生講
習其中士類翕然有勢家子橫里中治之以法歸其所奪田於
民遂為所傾周笑曰吾本東海布衣得一第為百里宰不得當

即引去耳奈何與不送者競遂納印歸卜居郡城杜門謝客子
庭桂舉於鄉居官廉約有父風

張鳴鶴號東皋嘉靖庚子順天舉人嚴氣正性孝反天植義利之
辨判然初為錢塘教諭力崇風節教士敦尚實行部使者推典
粵西文衡得人甚盛夏相言其僚壻也或風以請託當得內轉
鳴鶴笑而不答授容城令多善政其吏楊浩坐事鬻女鳴皋憐
其枉贖而歸之劉得準緣事當刑力為辯其非辜得從未減兩
人圖像祀之楊忠愍繼盛容城人也以劾分宜下獄朝臣無敢
通問鳴鶴獨餽遺至再且時厚恤其家忠愍嘗貽以書曰某頓

首東皋年文自違教誨倏爾八載仰懷之私日甚一日某以疎
狂所為拙謬自取罪戾空言無補徒貽我知己憂乃辱教言情
愛懇至有非言感所得盡者園土三年仰託雲庇肢體復舊居
食如常僥倖粗安窘辱中磨鍊自覺粗疎之氣視前少移每尋
患難樂處時若有得自知己觀之若為困苦自己心言之則殊
覺受用夫以罪重惡極之人舉世為仇猶不即死尚從容殘喘
吐氣于桎梏之間較之前代排忤權奸者受禍之慘則此時猶
為極清明之世矣慶幸之私敢為同志者告之春田之歿不勝
悲悼及聞春江輩問學日進岐嶷英敏又不勝欣幸某頓首鳴

鶴於忠愍同舉鄉薦春田春江皆鳴鶴子也忠愍被害猶常周恤其家未幾即引疾歸里沒後縣學舉鄉賢未果

成憲字監吾先世以軍功貴隨官籍薊州嘉靖戊午舉人乙丑進士由翰林侍讀學士任南京國子監祭酒兼修國史總裁風裁卓著當時有名臣之目焉

成相號雙江嘉靖癸卯舉人授連州牧下車力清經費絕苞苴蒞事勤敏右文修學士民化之五載遷桂林郡丞山寇弄兵宗藩弗靖鎮撫益展其長後以伉直忤當道調魯府長史遂乞歸

姚尚賓號文泉嘉靖壬子舉人任山東壽張及湖廣長陽縣所至

海門縣志

卷之二

十五

仁聲四布壽張有橋梁頌圮上通黃河下灌各湖尚賓捐資修葺歷數月告成邑人德之

張先登號濟川隆慶歲貢入南雍從郭子章李廷機焦竑游謁銓得龍南令下車首蘇里困捕岑泖劇賊百十人寇氛以靖質成明允嚴別吏弊弭兵課農修學勸士善政甲江右民為刻石建祠尋調濮陽藩臬諸司委決大獄案無留牘至議河渠議官鹽議賑濟議兌運尤多碩畫以內艱歸里研精著作問字之屢滿戶外手輯縣志未及剞劂復膺郡守聘共修府志為時所稱

張世維號四所萬歷戊子舉人由羅田令司理黔中壤僻聲阻民

多罔陷維力請于巡方便者活無辜數百人洞苗反側得維檄
傳諭悉平陞汝州牧其最著者革解銀之弊除養馬之害捐公
費全民命千餘人鄰治引例勒石至今德之郡司理某魏闈之
義子也趙汝糧迫圖獻細維正色拒之因為所中致破其家子
諸生希弒以此致隕烈宗即位追復官不起

盛以進字從先萬歷辛卯舉人以新鄭訓導同考山西稱得人歷
任閩之寧化齊之臨清陝之延安並劇地也才力所及恢乎有
餘禮士愛民所在建祠祀焉歸里主持風會不茹不吐邑人愛
而敬之

彭大同字雲會萬歷歲貢世精胡氏春秋司理敘州能平反大獄
有孝廉殺人者臬司推門望罰三百金釋之同怫然曰殺一人
而費三百金將挾萬金可立殺三十人乎竟擬辟又楊氏子修
怨於仇家乘父老病扶至河壩而挑毆之遂致死訊者以仇論
抵同日春秋無將將則必誅其欲甘心於仇因以忍視其父河
壩之死誰則挾之生子如律直指書其判曰推官讀春秋可謂
見諸行事矣

彭大翺號二樓又號方壺隆慶庚午舉人覃心好古兄弟皆以著
述名授武康令居官廉介士民仰之

江師周字霽宇先世本婺源籍徙家餘東場時苦倭患捐金創建
縣城為海隅屏障以貢授粵東藩幕有能聲遷貳解州解有珠
鹽兩池歲入無算周廉明兼至不為權貴所侵貢賦盈額未嘗
私取顆粒已而戎寇內逼士民震慄周設伏冒矢石旬日而平
之撫按交章論薦決意引歸居鄉以及于敦睦世其家

李之達字武東萬歷癸卯舉人就選得雲南巨津日萬里外布天
子德澤使百姓見所未見亦學仕之驗也因相其俗之所宜興
革者遞舉之與紳士講學明道俗以丕變上官奇其材一時攝
綰五綬滇俗善養蠶蠶出恆有夜光如流星嬰兒觸之立斃達

緝捕置之法害遂止益井有名福龍者久閉撫軍驟欲開煎達
曰增一時之課有必困之商久之額課必虧書六上始寢商蒙
其利陞興化同知力靖海盜未半載獲巨盜船可數萬石者邑
紳為請寬政達弗許紳屬上官竟釋之會有奸弁利嫂姪家資
上官授達旨令逐其嫂以資歸弁達不聽且嚴詰弁於是中傷
者衆矣達戒家人治裝曰時事如此可久留哉歸里以詩文自
給天啟間有附璫者餽以金帛冀得一言為重達卻之弗顧也
未名世字應生萬歷戊午舉人授永康令廉平有斷制上官咸引
重之有疑獄委讞立決以內艱歸里世亂遂不復出

姚茂先號羽文器宇端凝才猷練達以例貢授光祿監事克稱其職佐聊城兩攝縣篆得士民心陞處州衛經歷遞攝松陽遂昌等縣前後歷任二十餘年所至有聲

成友謙號石生崇禎甲戌進士筮仕得閩中令閩故附庸民頑事劇且流寇震驚謙拊循多善政以卓異舉御史首疏起廢中外翕然巡歷河東賑務蠲除積弊多所激揚時海邑坍塌已盡疏陳梓里疾苦豁除差糧甲申後以里居終

崔養浩號義生以歲貢謁選直陳銓弊忤當事意出為泉州府照磨張相國瑞圖泉人也見而器之薦署德化縣篆吏畏民懷斷

海門縣志

卷之二

十八

獄一無留滯直指汪游龍疏題實授以疾卒

吳宸誥字綸宣父鼎初學行過人宸誥由歲貢累官至河南開封府尹以廉靜著聞

耆舊

明

李潤甫以字行洪武中颶風為虐海波漂沒廬舍死亡甚眾潤甫念內弟陳孚幼弱恐不免棄妻弗顧急抱孚走避堤上頃之見妻亦附敗屋至皆得不死孚後登進士為戶部郎潤甫平日行誼多類此沒後祀邑之鄉賢祠

張暹世業農義勇性成永樂三年六安州舊額種馬以災傷分養於通海如皋凡二千六百匹民甚苦之奏告者輒及於禍六年暹繪圖灑泣當道不以上聞乃赴京師伏闕懇奏得旨遂免海門養馬而通州如皋如故後百數十年通州御史錢嘯援以入奏得並免

李傑一名宗傑字世英邑廩生將及歲薦志不樂進取隱居讀書足跡不入城市仲子軾孫心松並陟仕途孫夢周成進士皆傑所教也

崔鑽字聲遠性仁恕多義舉里黨皆以義士目之嘗得遺金於路

海門縣志

卷之二

十九

已而覓銀者涕泣而至鑽呼而驗之良是遂歸焉明日其人持物為謝不受又嘗充萬戶長以稅金五百兩付鎔工工欺其無券而匿焉鑽破產以償時三原王端毅公知揚州聞其事諭令往訟曰鑽家已破矣若再涉訟是又破一家也王嘆賞不已

盛英字世傑性剛介憫儻游太學久之銓授縣丞英嘆曰吾安能羈斗祿以俯仰于人耶即日歸隱顏其軒曰見一蓋以林下一人自命也時人稱為見一先生

姚勲號北泉邑庠生治詩古文詞為巨公所賞識嘗語同學曰士君子無所以立命處則浮沉苦海耳志趣高邁以著述藏於家

許遵本成化八年旱潦頻仍邑民大饑遵本出米八百石助賑大
僚奏聞獲褒異焉

尹璽成化壬寅貢生任壽昌令寬仁豁達時推長者嘗纂縣志未
竟越五十餘年崔宗伯桐踵而成之

王瑛字伯珍號野翁性嚴重取與不苟以貢生應銓授經歷不就
而歸日惟灌園自給讀書課子鄉人有善則喜惡則面斥之不
少假借時人為之語曰為善不終莫逢野翁

崔崑號誠齋由例貢為天台丞以廉能聞台令陳袞有清操引為
同志邑之賢士大夫咸愛敬之正德改元詔親老願終養者聽

崑決志歸父老百輩泣送數十里時父母年七十餘歸養近二
十載以子桐封通議大夫禮部侍郎

錢盛號貞齋敦素寡慾家居日惟焚香拜天次及先祠教子孫甚
嚴課以讀書勤家崇儉守禮人有善行喜如己出有過惡即面
斥數多義舉宏治間淮南諸鹽場逋課萬數為力請蠲去其半
貧民賴以全活正德壬申嘉靖壬午江溢敗民居死者漂野惻
然聚而瘞之里有喪葬嫁娶貧不能舉者恆佐以財嘗曰人以
言行為先行不立言不實何以為人又曰人須含忍嘗歲夜間
門外有惡聲出視之乃惡少碎其門置弗校何無其人暴死人

皆服其大度年九十有一子鐸貴封刑部主事又贈中憲大夫
張成字九韶號北海正德庚午恩貢有異才工書及詩賦文詞其
所著紙貴一時門人崔侍郎桐錢副使鐸為之刊定曰北海遺
稿游歷京師高麗人從之受學焉

李軻世守厚德門內百餘口無側目反唇之習歲除必書一年行
事以告天嘉靖己丑歲大祲捐米千斛作粥賑飢活流民七百
餘人有司上其事于兩臺給冠帶五舉鄉飲

李恕字元振平居沉默簡靜寡言笑以歲薦至京師歎曰人生何
役役若是耶受縣丞職歸隱著書自娛

海門縣志

卷之二

二十一

張材號達齋嘉靖辛卯貢生選授膠州訓導陞瑞安教諭孝慈天
植禮義性成以名望著於一鄉年八十四歲嘉隆以後邑有六
先生之稱材為之冠與李周張鳴鶴同舉鄉賢上其名于部未
果

成斐然號裁所賦性仁厚輕材好施凡親族子弟延師教育曲加
獎掖有貧不能娶喪不能殯者悉為伙助未嘗沾沾德色以嘉
靖貢生任海鹽縣丞政聲籍甚於名利一無所繫引疾歸里

成自然字國純號性所三歲失怙母陸氏以節旌自然弱冠補第
子員即為士林推重喜吟咏善書法萬曆甲寅歲貢任浙江湖

州訓導江西武寧縣教諭立課程以造士諸生有構訟者曲為
勸導以解陞雲南順寧府教授年八十三卒于家

江一夔字季章才高義重樂善好施嘗以貢官河間通判迄謝事
歸闢園池與四方名士為詩酒歡歲凶糜粥藥餌及棺槨之屬
施予不倦更採形家言捐數千金於城南架石梁東建三塔且
開河十餘里其風尚有足多云

彭大翼字一鶴才華英上氣質沖和識者羣謂為有用之器以歲
薦通判梧州政聲翔洽性好讀書壯年解組日事蒐討積四十
年著有山堂肆考最為淹博以品望舉鄉飲者二十有六壽至

海門縣志

卷之二

三

九十一歲

王倫少事詩書賦性豪爽澹於名利世俗所爭概不屑意惟收藏
簡帙積業充棟手自校正遇高賢名宿則談古不倦人有善行
為傳記以表之著述甚夥不戒于火識者惜之

郁一龍字見吾邑廩生鴻才博識閉門絕軌終年著述江冊後蕩
天無存弟庠生一鳳家居教授英詞風舉時亦有儉歲梁稷寒
年織纈之目

成度字汝宏賦性慷慨以江冊賦重邑疲民貧合邑有併州之議
無敢首事者於萬曆十三年挈已資走京師伏闕上疏戶垣蕭

都諫讀之流涕履稱義民成度所奏敷陳民隱不啻鄭俠流民
圖得減賦一千八百兩民多賴之

郁俸號北溪倡議遷縣捐貲築城撫按獎以冠帶舉鄉飲

蔣芳號敬橋存心醇厚無世俗澆漓之習持家最嚴訓諸子皆有

法度人謂蔣民之後當必有興者

李奇逢字汝過生而溫厚恂恂若不勝衣一當有故則勇于為義

萬歷戊子舉人歷任藁城安陸武陵三縣有清德以裕後人孫

元周封股救父天植為名孝廉

姜承德號紫樓萬歷癸巳歲貢任山西夏縣知縣生平學有淵源

海門縣志 卷之二

秉心坦易為邑人所推與張材彭大翼成友文盛永傳李傳春

稱六先生

成友文號會宇萬歷甲辰歲薦任袁州訓導僅及五月遂引疾歸

當時謂其孝推曾閔學衍程朱為遠近矜式云焉

盛永傳號心印萬歷壬子貢生由常熟訓導任藁縣教諭以孝友

因心絕跡公府見稱

李傳春號和宇萬曆丙辰歲貢以廣德州訓導任靈壽縣知縣居

官居鄉皆以誠樸見重舉鄉飲者十三次

李傳芳號芹臺萬歷辛卯鄉試擬元不果即安恬退著述自娛撫

按督學交旌之兩舉鄉飲不赴年至八十有六與族人日興協
舉利濟事甚多並以長厚稱耆德云

王松齡字伯茂號少原嘉靖間例貢考授粵西理問多所平反為
左使林欲復所器重攝象郡鎮撫土司為之玉變直指呂圖得
柳河東集病其謬誤學使魏濬舉松齡博洽屬其校刻故直指
薦疏有出文章以飭吏治如野鶴之在雞羣語解組歸卒年八
十四子倣通移州籍贈刑部郎中

崔純彥齡子性至孝歲薦已及以親老不求仕進父寢疾躬侍湯
藥久而不懈父沒哀號幾至滅性葬之日淚盡繼之以血目為

海門縣志

卷之二

十四

天明鄉閭重其孝行

李春茂髫髻其有至性長而曲盡孝道出告反面親沒廬墓三年
哀毀骨立思慕終身不衰

張光弼字爾輔光鑑字爾衡萬歷壬子歲大饑竈丁嚴五及顧一
蛟等三十三人入室焚劫父庠生國戚及家屬七口焚死時弼
年十三鑑七歲祖母挾以逃出控於縣府事未雪及弼兄弟游
庠灑血奔控獲盜十八人魏黨崔呈秀巡按淮揚幾將釋之業
歷數載直指劉公君實至讞得其實羣盜皆論死二人挾利及
至州戟門取盜首嚴五手刃之割肉祭父且啖之直指曰父仇

不共戴天此真孝子矣為旌異焉

吳兆義字直南性渾厚無傲言倨色處家庭尤篤于恩義弟婦蔡以奇節著子女皆幼極意撫卹歷數十年時人以為難

吳兆年字聖期邑庠生和平愷悌孝友性成邑中興建如修文廟築城垣賑飢荒諸務皆不惜財力縣學兩舉德行謂為學行兼美之士

易有學敦厚孝友嘗讓遺產於昆弟饑則倡先捐賑遇親族昏喪大事無不應其稱貸又嘗代人完負里中老幼愛敬之舉賓筵年逾八十

海門縣志

卷之二

二十五

易有親字慎思敦倫好善敏事慎言事叔如父親嘗湯藥輸財仗義給還遺金西禪古刹在縣城西北隅形家謂合邑風水所係倡議營建樓閣其餘施棺賑粥善舉不一子象兌成進士

成一貫號唯齋邑廩生謙冲好學孝行天植母病醫治罔效割股療之應歲貢念親老不赴郡縣嘉其孝

成擬鼎目不知書孝事寡母彭氏勤合經訓母病垂危割股以療刀鈍強割至再皮肉綻而未離復走百步外借利刃斷之竟無血痕以湯飲母霍然頓愈後大父雲鶚察知其事作勝讀書論以加之

曹世芳治鐵為業有孝行傭工所積竭奉甘旨父病篤諸醫以不起辭芳晝夜號泣割股煮湯以飲之越宿而愈色養倍周

李元柱字宸先增廣生為制義鏤心刻骨江右章世純亟稱之萊陽宋繼澄父子尤相推重名噪一時弟玉柱與兄齊名史相國督師江北引入幕府加敬禮焉

彭敬美事母盡孝亂兵入江場擄掠敬美以身衛母為亂兵所殺母全由是得全里人哀其孝

國朝

李我彭有至性順治乙酉年甫二十寄居郡城四月城陷負病母

海門縣志

卷之二

二十六

逃至水側為兵士所及母驚殞彭伏水草中俟母兵過負母屍走數里掩埋畢一慟而絕郡守聞而旌之

姚韶號賡紫庠生縣地坍沒以豁坍併里呈請具言田坍而糧仍在丁死而差不除巡按御史秦世禎下揚州府推官武纘緒知府張元璘詳覆代為申奏豁除亦義民成汝宏侍御成石生以後一人也

將校

明

吳兆唐字省南弱冠涉歷兵書嘗語昆弟曰丈夫不能戮力中原

徒作白面書生乎游武庫海防副使熊公尚文見而異之曰可
與建勲業者吳生也以海防應募受職督戰艦北往効用隸賀
世賢麾下屢有戰功天啟二年歿于軍贈游擊將軍其子往戰
地迎喪僅得附身衣物而還

國朝

郁之茗順治三年 王師征廣隸前部屢立大功授游擊將軍卒
年六十八歲子殿臣移籍九江府

寓賢

唐

海門縣志

卷之二

二十七

駱賓王婺州義烏人初為道王府屬歷武功主簿調長安主簿武
后時除臨海丞棄官去徐敬業起兵署為府屬為傳檄天下斥
武后罪敬業兵敗匿邑之白水蕩墓在州境

李綱本徐姓其先曾州人祖勳輔高祖有功賜姓父敬業襲爵武
后時與弟敬猷同起義兵於揚州不克死之綱偕駱賓王甯道
仍沿賜姓世隸海門

宋

陳正棠南劍州沙縣人父瓘字瑩中正棠中甲科為司諫議論持
正務存大體極論蔡卞章惇邢恕之罪復以書抵曾布論其過

出知秦州崇寧中被竄表州兼移柳州稍復德宣郎杭守蔡疑
因正彙告蔡京有動搖東宮迹下正彙開封獄並逮瓘安置通
州正彙坐流海上去縣東五十里遂家焉一時好義者比屋爭
附并烟數里號為陳壩莊

文天祥字宋瑞江西吉水人德祐二年除右丞相兼樞密使元帥
逼臨安令天祥詣軍講和以資政殿學士行被留趣之北行次
京口夜亡至真州守將苗再成迎宿議圖興復天祥喜甚即移
書達揚州制置使李庭芝庭芝疑其為元說降欲殺之乃去揚
州歷高郵海陵與追騎常相距至通州館於郡從者金路分應
海門縣志 卷之二 三八

遇疾卒葬通州西門雪窖州守為具海舟夜發海門之七星港
入蘇州洋轉四明天台至溫州益王開府福州召至拜左丞相
兼樞密使國亡死之

附仙釋

宋

孫道人淳熙間人不知所自寄居呂四場築土為東山能以術運
大木自至山中建廟

僧元肇號淮海淳熙間入靜海潘氏子母朱氏邑之利和寺妙觀
其諸父也年十九薙髮參浙翁於徑山已而出住通之光孝遷

吳城雙塔金陵清涼天台萬年蘇之萬壽杭之淨慈靈隱徑山
示疾時屬其徒裋穴於東澗見生死不忘浙翁也又嘗居縣之
廣惠寺募塑佛像久之悉為所乾沒師往伺之則飽餐酒肉潦
倒市間師大駭走踞佛頂大嘔衆皆驚避項之徧體皆成黃金
光采溢目善為詩方回採其虎邱徑山二詩謂為詩僧聖徒
魯般先仙師廣惠寺殿壁傾圯高數丈有游觀者自言能工作不
須灰土自上而下頃刻砌成以水刷之有識者云此魯般仙師
也笑而去不知所之尚存三甑未滿隨補隨毀歷時久遠此壁
如新

海門縣志

卷之二

十九

劉鑿廣惠寺佛像既竣擬塑十八尊者材物具備忽有一人入寺
願獨力裝塑不取工值衆異其言姑聽之日則閉門僵臥夜則
聞笑語操作聲凡七晝夜聞呼燈火衆啟門而入見有十八金
身羅漢隨其人冉冉而去殿中色相莊嚴壁書劉鑿二字乃知
劉仙致十八尊者現身示像也

列女

宋

張氏潘穀樹妻年二十六穀樹卒事姑教子皆足為鄉閭法省部
旌其門

明

徐氏崔發妻克盡婦道嫁未越歲發卒守志事姑益謹洪武十年

旌見明一
統志

邵氏姚源仲妻年二十六寡無子苦節洪武十三年旌

許氏諸生孫祚妻年二十六祚亡事姑孝字其二子貞操凜然正

德元年旌

成氏殷洪妻年十九適洪甫一歲洪卒撫遺腹孤子成人終無渝

志正德元年旌

許氏諸生李文學妻年十九夫歿無子撫嗣子雖江州家貧節益

海門縣志

卷之二

三十

堅五十年如一日嘉靖十四年旌

潘氏張大本妻給事中潘庸女年二十守節壽百歲見明一
統志

錢氏楊廉妻二十五歲守節卒年七十二

許氏翟恭妻二十一歲守節卒年六十七

曹氏李承祖妻二十五歲守節卒年八十二

謝氏盛廉妻二十六歲守節孝事繼姑撫孤成立卒年八十

周氏諸生李文翰妻年二十一守節至老不易

尹氏諸生李琴妻二十五歲守志撫孤苦節五十年

陳氏馮瑄妻年二十六寡持身嚴肅治家勤儉卒年六十六

李氏史茂妻二十三歲守節撫嗣子紀勲卒年八十四

崔氏太學生徐敬妻贈通議大夫崑女年二十五而寡守節撫孤
孝事舅姑越三十餘年

許氏錢蕙妻年二十二蕙卒無子誓不改志垂老益堅

史氏張玘妻即李氏長女年二十而寡無子苦節三十七年

崔氏諸生梁棟妻年二十三而寡撫孤守節三十三年

殷氏諸生王哲妾哲及嫡妻崔氏俱早卒時殷年二十五撫其嫡
子應科如己子守節三十年

陸氏潘雲鸞妻年二十三而寡守節三十餘年

海門縣志

卷之二

三十一

蔡氏陸金妻年二十守節撫孤成立縣旌之

李氏太學生成廩妻年二十四守節事繼姑撫幼子教讀嘗語子

曰汝不成立寡母受欺有死而已守志三十餘年邑侯李旌其
門

汪氏諸生李重妻年二十六守節撫孤終其身縣旌異之

張氏諸生王應夏妻年二十四而寡守節撫孤五十餘年

周氏諸生彭大為妻年二十而寡事姑孝越五十年郡縣交旌

胡氏諸生張應龍妻年二十一守節無子事舅姑至孝卒年八十

七

沈氏張楷妾楷卒子幼嫡妻苦貧欲改適沈時年二十五勸留不從其子牽衣大慟沈泣撫之曰吾在爾無慮也乃晝夜紡績以供朝夕少積數金輒為嫡子蕩費愈力作不倦年逾六十卒見揚州府志節烈婦傳

陸氏成佩妻年二十四守節撫子自然以明經入仕壽八十餘萬歷二十八年旌

李氏諸生蔣以忠妻年三十守節時在萬歷己亥子培方九歲培游庠無後氏卒年六十七

李氏崔伯玉妻苦節訓子有熊丸晝荻之風

海門縣志 卷之二

王氏諸生成一體妻適成甫期歲天歿事翁姑孝遺腹子正中以

京職陳請崇禎十五年旌

史氏廩生李九階妻年二十六守節撫嗣子奇邁游庠以壽終

潘氏諸生張應蛟妻十六歲守節教子國威成立卒年七十二

許氏張志義妻年二十一天歿子甫三歲苦節四十三年六院交

旌

姜氏潘懷孝妻年二十六守節貧甚僅謀餽粥教子洪度力學成

名撫孤姪孤女卒年七十三

張氏成友忠妻張炬女二十九歲守節撫孤卒年八十一

邱氏盛世哲妻二十歲守節孝事翁姑撫孤成立撫按具題旌表
卒年七十

姜氏諸生崔思上妻姜岳鍾女二十歲守節撫孤以壽終
張氏諸生李調元妻二十五歲守節撫孤勤劬成疾而卒

盛氏諸生李奇造妻沂陽尉盛以成女三十歲守節紡績自給二
子采棠俱名儒年逾八十郡邑推之

劉氏姚茂宗妻年二十七夫歿訓子明善為世聞人守節五十五
年

馬氏儒士張光世妻年十七適世生子甫六月世亡茹苦教子六

海門縣志

卷之二

三十三

十餘年合邑賢之

吳氏趙文祥妻二十歲守節撫遺腹子光祖卒年八十五

秦氏儒士朱名益妻年十七夫歿撫嗣子守節卒年七十五

史氏李尚澄妻二十九歲守節子幼家貧貞操無間越三十年澄

墓瀕海珊逼乎抱遺骸遷之

彭氏張嶙生妻教授彭取象女年二十四而寡子緒奎緒璧均有

文名守節越三十年

朱氏廩生王倣曾妻二十九歲倣曾卒無子苦節年逾六旬

蔡氏贈游擊將軍吳兆唐妻天啟元年兆唐亡於行間氏年二十二撫一子一女依伯叔以居割股療姑苦節五十餘年邑侯王為請旌

王氏崔明經妻年二十一天歿苦節六十年

陳氏張崖妻二十七歲守節教遺孤元鼎成立以傷慟得疾卒年

五十五

以上節婦

盧氏夫李姓縣之陳壩莊人嘉靖中徙常熟倚豪民張島居島見盧及女俱美容色誘其夫沈之江佯言被盜既而盧知狀痛夫仇

海門縣志

卷之二

三五

不得雪欲自縊以殉島遣老媪與居晝夜防之少間以妻弟議婚其女議自妻盧強委禽焉盧窘憤給老媪出戶闔門礮及先刺女死媪覺急救之乃自刎島召其妻弟將乘暮哀二尸焚之島族弟與島素有卻闔門直入曰暮夜誰知者令瘞尸竹林中後數年巡按陳公蕙至發其事島與妻弟伏辜常熟令羅君鴻立祠祀之唐順之為之記

見府志

洪氏張仲辛妻年十九張染羸疾將危與洪訣洪乃解指環貫夫指而自留其一曰當如此環生死不離即自縊後三日仲辛卒時萬曆乙未歲閭里申報臺府交旌其門

見府志

彭氏江完初妻諸生彭取米女時有賊兵縱掠女父適在女家哀
老不能行氏扶之逃為兵所執奪及自刎尸僵立不仆賊驚異
而去見兩淮
蓋法志

羅氏諸生梁天峻妻揚州衛千總羅晉女過叛卒欲污之氏號罵
不屈自嚙其舌噴賊面賊怒剖其腹臟腑流出猶聞恨詈聲賊
黨驚異爭以衣覆之而去見蓋法志
以上烈婦

周氏許字同邑人姜應期未娶而姜卒女年十七聞訃即慟哭易
服議奔喪父兄止之引刀自刎乃送至姜守服如制誓不歸寧
姑性嚴急承事曲當姑卒為期立後撫之迄於成人部使者旌

海門縣志

卷之二

三十五

其門見府志
以上貞女

江氏諸生江日靖女字何執年甫及笄于歸止需十日適賊兵焚
劫江場女同母姜氏挈一老婢逃竄為賊所及女大呼曰予不
能扶母俱生矣投河而死母奔泣數里兵復迫之亦赴水死越
三日母子抱立水中面色如生

李氏李應獬女居郡城年十八尚未字乙酉城陷畧逃竄女毅然
曰與其失身不如一死遂拜母及兄嫂從容就縊以上
烈女